

LAcadie que ce g^d. monde ne fit du defordre mais ie vous avoüe que ie nay pas eu de peine de ce costé la et que iay veu mesme que les nouveaux arriuez se portoient avec plus de ferueur au bien que plusieurs qui font icy de puis Long temps: ie ne dis pas quil ne soit arriué quelque petit defordre mais ie vous auoue que ie me suis estonné quil ait esté fy petit pour le g^d. nombre de gens qui font arriuez car de tous ie nay veu plus de trois hommes tant soy peu yures, et vne ou deux femmes. quelques vns de ces nouveaux arriuèrent icy il y a pres dvn mois avec Etienne ne Ketuent [*i.e.*, Nekstneant] nostre Dogique et ses deux freres que Mons^r. le General auoit enuoyez a L Acadie pour Inuiter ceux de Leur nation a la guerre contre Liroquois dautres arriuèrent quelque Iours apres La plus part des 1^{rs}. arriuez font allez en guerre nous en auons icy encor vne trentaine qui attendent les 1^{ers}. ordres de Mon^r. le General pour laller Ioindre il y a plus de foixante des gens de nostre Missiion qui font avec luy. ie ny en ay point enuoyé qui nay plus de 20. Ans parcequon mauoit prié de nenuoyer point de bouches Inutiles.

Mon^r. le General a tesmoigné a nos sauuages vne estime particuliere deux il leur dit quil ne vouloit dabord que des abnaquis dont il estoit assuré du Courage et de la fidelité pour le dessein quil auoit denuoyer faire quelque decouuerte sur L Iroquois, il ne prit pour ce premier dessein que trente de nos gens avec 200 françois; le reste partit quelques Iours apres; nous en attendons encor tous les Iours dautres de L Acadie avec ceux qui font icy. on na pas eu de L Acadie tout le monde quon attendoit Mon^r. de